

GUERZ SANT ALAR HA SANT HERBOT

Var don : *Ar Roue Gralon-ha Kear ha Is.*

Tud Breiz-Izell, deud da glevet,
Ar wers neves a zo savet,
Ar wers neves a zo savet,
'N'henor sant Alar biniget.

Sant Alar e Limoj c'hanas,
Hag e ker Noyon he varvas,
E ker Noyon varvas Alar,
Ar zant azo c'hoas eb he bar.

Tad sant Alar he oa Eucher,
Ur mignon d'ar Roue Cloter,
Hag he vam he oa mignones,
Mignones vras d'ar Rouannes.

Beteg an Orfrebour Abbon,
Ias Eucher, nec'h enn he galon,
'Vit e bedi da rei micher
An Orfrebourien d'he vab ker.

Abbon ractal 'vel m'hen clevas,
Da Eucher neuze lavaras,
Digassit d'am c'havet ho mab,
Ha me enn tisco penn ha cap.

Ur pennad goude ze Cloter,
He c'hourc'hemenn da vab Eucher
Monnet prim d'he Lez d'enn cavet,
Ma vije gant-han henoret.

Sant Alar pa glev kement-se,
Oe stravillet corf hag ene,
Ne ouie petra da sonjall
Da sonjall deus Roue Bro-C'hall.

Evel-ken he ias gant Abbon,
Beteg he lojeis da Vobbon,
Ha Vobbon he ias ractal gant-han
Beteg ar Lez eb marc'hatan.

Ar Roue doc'h-tu m'hen guelas,
Da zant Alar he lavaras,
Alar va mab deud ganneme
Da bourmeni eb pell dale.

Aotrou Roue me iell ganec'h,
Lec'h ma carfoc'h eb cavet nec'h,
Va flijadur vezo monnet,
Ganec'h elec'h ma c'hoantefet.

Neuze Alar hag ar Roue,
He ias ho daou enn han 'Doue,
Enn han 'Doue da bourmeni
Ho c'halonou leun ha zudi.

Pa oa d'ho baleenn divez,
Ho daou he tistrojont d'ar Lez,
D'ar Lez ho daou he tistrojont,
L'ech eb pell dale n ur gavjont.

Er Lez ractal ma n'ur gavas,
Sant Alar n'he gampr zaoulinas,
Ha zaoulinas evit pedi
Ar Roue hor c'harg ha zudi.

Pa oa sant Alar daoulinet,
Prestig goude chomas coussed,
Ha dre he gousk credre d zhan
Clevet Doue ho coms hout-han.

Doue dezhan he lavaras,
Alar te vezo ur zant bras,
Gant ann holl ha vezi caret
Kencouls ann dud hag ar loennet.

Te reio dre ann holl vroion
Un niver vras deus ha vulliou,
Ann holl ha c'hanout ha garo
Beteg ann heur deus ho maro,

Neuze ar zant ha zifunas,
Hag ha greiz calon ha bedas,
D'enn scoazella Crouer ar bed,
Ha d'enn divoal deus ar pec'hed.

Abœ ann holl amzeriou-ze,
Sant Alar, en nos hag en de,
E deus gred cals deus ha vulliou,
E Breiz couls hag er pell broiou.

Guechall tre Lanveur ha Guimec
He hoa laeret daou ha guezec ;
Da zant Alar pa ouient gwestled,
Prestig goude he ouient cavet.

Ann holl dud ha zo sicouret,
Gant Alar, ar zant beniget,
Hag evel-se var ann douar
Ann boll bihan ha bras e kar.

Hag he vefenn pad va bue
Ho coms dihout-han nos ha de,
Biken n'he alfen lavaret
Ann holl miracloù e deus gred,

Breman pas m'eus d'ech divezet,
Bue sant Alar beniget,
Silaouit c'hoas, tud Breiz-Izell,
Guers sant Herbod, ann denn zantel.

Sant Herbod he oa ginidic,
Ha ouent huel ha pinvidic,
Bars en Hiberni he c'hannas;
Hag e Breiz-Izell, he varvas.

Pa oa bihan gant he gerent,
Ha bede Roue ann holl zent,
D'enn sicour e pad he vue,
Ha da gemer hout-han true.

Un devez pa oa sant Herbod,
Var he zaoulion e tal ann aod,
E tal ann oad var eur garec,
Ho deuas eun eal he veleg.

Hag ann eal lavaras dez-han.
Kuita, Herbod, prim ar lec'h-man;
Doue e deus va digasset,
Deus he varados da cavet.

Ar loennet corn un niver lras,
E Breiz-Izell, he varv siouas,
Gantar c'hlenvedjou he varvont,
Bemde ha varv ouspenn tregont.

Mes te ho iac'heio timad,
Gant sicour Jêsus hag he dad,
Jêsus hag he dad da heuillio,
Hag ar loennet te iac'heio.

Treuj ar mor, poent eo did monnet,
Da iac'had da Vreiz ar loennet,
Poent eo ded treuji ar mor
Ha disken e douar Armor.

Ann eal var-ze ha zav d'ann henv,
Ha sant Herbod he galon crenv,
Enn eur lakas enn hent ractal,
Vit dont da Vreiz eb marc'hatal.

E Breiz pas oa enn ur gaved,
N'ur lec'h zo Plouneves anvet,
Savas ractal eur Minic'hi,
Gant un aoter evit pedi.

Prestig goude enn eur lakas,
Da brezeg Herbod ar zant bras,
Ha da iac'had tud ha loennet,
Dre ner's Doue crouer ar bed.

Ar loennet kencouls hag an dud,
Ha rente iac'h bras ha munud,
Bras ha bihan ho rente iac'h,
Ne dalv da zen abet he nac'h.

Ar vrud redas eb dale pell,
Deus burzudou an den zantel,
Ha roue Breiz he lavare,
Me iello prestig he vete,

Gant c'houec'h kant ha guezec ster-
He deuas eun den d'en cavet, [net,
Evit gouzout hag ar zant kez,
Deuje da chom gant-han d'he Lez

Mes ar zant lavaras dez han,
Ne dinn biquen deus ar lec'h-man,
D'ar lec'h-man he zon digasset,
Hag er lec'h-man vinn douaret.

He bars e Plouneves-ar-Faou,
Ne lavarant ket dec'h ha c'haou,
Zo savet dez han ur Iliz,
Kearoc'h evit rehiou Ker-Is.

D'ar guemer rog sul an Drindet,
N'henor sant Herbod biniguet,
Ve eur Foar vras e Plounevez,
Abalamour d'he vadeles.

E pad miz mae enn Plounevez,
Veler loennet ho tont bemdez,
Da velout Herbod biniget,
Rac hen eo scoazell ar loennet.

Saint Herbod gant un tamic zell,
Iac'ha loennet corn Breiz-Izell,
Gant eun tamic zell ha drue,
Ho laka iac'h pad ho bue.

Racse tud Breiz, bras ha munud,
Lakomp da vont dre holl ar vrud,

Deus Herbod an den burzudus,
A zo guir vignon da Jesus.

Neb bed sant Herbod biniget,
Biken n'en d'ho kollou loennet,
Nikun dihout-he n'he gollo,
Hag ar Barados en devo.

Visant Coat.

Propriété de GUILLAUME MERRER.

GUERZ

*war sujet ar re zo bet beuzet enn Peros-Guirec. hag ar
re zo bet devet enn ty kear Crozon, bloavez 1882*

Var eunn ton anavezet.

Speret santel, men o ped,
Da zont da zigueri va speret,
Evit gallout dec'h discleria,
Da vrettonnet ar vroman.

Ar sujet demeus ar malheuriou
A so erruet harz ho bro.
Breman po heus c'hoant da glevet,
Ar malheuriou so erruct.

Deus ar beure pa int savet,
En devez ma voa determinet
Ne sonjet qet sur an dese,
E rankhent coll ho huez.

Breman c'han da lavaret
Annoiou ar vortolodet,
Tudal Guiomard, patron,
A voa ho perrissa er mor don ;

Guillaume Belec a Pierre Jégou,
Jeanne-Marie Havedec a hano,
Pierre Thomas, an eil cabiten,
O deuz finisset o buez en anqen.

Yves Daniel, Joseph Daniel,
Assembles o deus eur maro cruel ;
Yves Periou capiten huel,
Noël Le Goff, novis annuel.

Seiz infanvez a vez gret,
A tri varnugent a vinoret,
Nag a c'laç'har hag a irvoud
A so en Peros Guirec partout.

Evit ho eneoù kaer a grac,
A greis ho spouron hac a glas
He deu Jésus d'ho c'honsoli
D'ho kerc'hat dann env d'en veuli.

Uz ar vortolodet, eur sclerijen
Avoa bet gullet o tisqen
A so disjennet voar ho bag
Evit querc'hat ho eneoù mad.

Biscoas nint bed englaç'har,
Evel maont breman var an douar
Ho velet ar vortolodet a so beuzet,
Hac ho c'heren de a zo glaç'haret.

Cri vije ar galon ma vezo deploret,
Ar mous kerqen e dad lamet
Adieu, va sad, me ar bugel kes,
Min rang perissa assambles.

Cri evije ar galon a eñ ma ne voelje,
O clevet kimiadi an eil eus eguile ;
Deus ar glaç'har ac ar velanconi,
Gant ar vortolodet o veui.

Cals a dud a zo ho voela sur,
A greis ar joa e teu an displijadur,
Er sul variere'h, en oferen bred,
E voa anved an dud beued.

Ac ar mamou zo bed desoled,
A toud an dud a zo glac'haret
Hac ho halonnou mantret,
Ha scuilla daélou ne qet eb sujet,

A re so breman en fonç an dour,
Pedomp Doue da sicour;
Pedomp asistanc on Doue,
Da gaout truez deus ho ene.

En pron an oferen bred, en ilis,
So bed lavaret eun *Deprofondis*,
Evit ma c'hefont da repos,
Gant Jesus-Christ da barados.

An autorite, a deus ordrenet,
Eur gwest deze a vije gret,
Evit sicour ar vinoret.
Dre druez a zint bet soulajet.

Etre guenta a velas an tan goal
Evoant bet commencet da grial:
An eb so cousquet difunet
An tan goal so goel groget

Ar pompou siouas ne voa qet
Da laha an tan a voa croget
Eur bobl bras a dud so diredet
Evit guelet an tan a croget

Galvet a voa tud courajus
Da sicour an dud malheurus;
Evit gallout rei de sicour
Vije obtenet cals a recour.

Ractal evel mo deus clewet
Quichen an tan ind neur rentet
Vit discuel o ners o hourac'h
E-kichenn an tan voa qer bras

Prestic goude en em gavas
Eur population goall bras,
An narcherien an duc a lez.
Ec'h egeont d'an tan assambles.

Breman meus hoant da lavaret
Annoiou a re so bet devet,
Ac ar re so bet devet gant an tan.
'Souls ar bras evel ar bian

An autrou najoint so goel ofanset
A so maro en hotel ar Bourdonnee
Oaget demeus augent vloas
Goude kals poan e perissas

Mêrou d'Argol, Jaouen eilvet,
Postic, deus Tréberan an drivet,
Cariou, deus Braspart e ar bevar
Ar Bris d'Argol, a Turpin, Lande-
[vennec

A re a ouser ho hano a meus laret
Unnek so ne siouas dévet
A so unnek a ne entre bras a bian
Ac ho deus souffret ar miser an tan.

O ! aotrou sant Laurenç biniget
A hui alfe demp lavaret
Peguen cruel e ze ar poaniou
Pa renquer devi e bars ar flamou

Cri vije ar galon a cri ma ne voelje
En quichen mairi Croson an eb a vije
Ho velet an tan goal qen fuloret
Ac unek en ne a so perisset

Ho clewet an dud o crial
Bars er prénecho e tan goal:
Adieu tad ha mam emear vugale,
Min ne neur velfomb qen en bué.

An tadou ar mammou glaharet
Ho vélet ho bugale en tan devet
Cri vije ar galon ma teuje da voëla
Ho halonnou so var ar poent daranan

Pa voa annoncet do sud ar hélo
He carjent mont en douar gant-ho
Adalec en heur demeus a vremen
Betec a siouas an heur diveza.

E barspron en oferen bred en ilis
A eus lavaret evite un deprofondis
Evit ma halfont monte bars er gloar
Pa hint devet e beo var douar

An entarament gante zo bet gret
Ac ho sud ac ho ligne so glaharet
Graç dezho da vont da repos
Da veulh 'n drindet er barados

Breman e teuan da finissa
Ar wers-ma deus-an truesussa.
Guillaume Merrer, en deus hi gret,
A souhet dech bara dous bepret.

GUERS AR SEIZ TORFED

*Cometet gant IAN HARMANT, er memes nosvez, ha barne
d'ar muro e Lez-ar-Lez-Varnou*

Var don : *Guerz Anna Baol.*

Drindet santel adorabl, roït din sclerijen
Ma teuin da ziscleria breman d'ar gristenien,
An torfed zo n'eur gavet n'en deus ket c'hoas guel bell,
Enn ur gaer zot ken brudet ha reiou Breiz-Izell.

C'houi speredjou hevurus zo curunet ergloar,
Prestid d'inn oc'h assistans, carguet oun ha c'hlae'har,
Roit dime ar spered 'vit gallout discleria
Torfedjou an terrupla 'n'ur gavet er bloa-ma.

Ann henvou hag an douar da grena e lacont,
Kement cristen ho c'hlevo ha varvo gant ar spont,
Stracal ha rei ho c'halon, troubli rei ho spered,
Ga glevfond an torfedjou zo gant Ian Harmant gret.

Harmant oa eun den collet na gant an debochou,
Nos ha de vije cavet an hostaleriou,
Hag eun nosvez ha zistro d'ar gear, ar milliget,
'Vit ober he dorfedjou, gant satan possedet.

Greg an den-man ha oa enn he gue'e consket,
Ne sonje ket en he sonjou eus he goas milliguet,
Antreal ha reas n'he c'hampr ha colleret kement,
Ma kemer ann hach 'vit skei he bried paour kerkent.

Daou dol hach e deus skoet varnezhi ar c'hruel,
Ma renk entre he zaouarn he bried paour mervel,
Harmant oa en gwarizi deus he vreg nos ha de,
Rac c'hoant en d'oa da gavet e danve.

Goudeze var he vreur paour Per Harmant oa saillet,
Eun tol hach, ar malheureus, dezhan e deus roet,
Rannet eo dezhan e benn siouas dre an anter
Collet e deus he vue dre zaouarn ar muntre.

He bemp bugel ho elevet an drous ken spourounus,
Ha rê an den criminal ha oa ken colerus,
Ha gommenças da onela truezus o c'hlevet,
Mes ar c'riminal e deus an nor varné prennet.

Ken spontus he oa ho zad e noz se da velet.
Gant aon ha spont arazan, pardon deus goulennet :
En han Doue, va zad, pardonnit me ho ped,
Ha me bedo evidoc'h Jezus Salver ar bed.

Satan oa deus er poulza hep hean e noz-se,
Ma lac'h he vugaligou he oa pemp dibout-he,
Goudeze ar c'riminal 'vit euzad he dorfed,
Ha zortias deus he di hag en heus e guelel.

Distrei ha reas var he guis de dy an den impi
'Vit ho zrailla ha damou eb kaout neb ambloari,
En ur punz oa er jardin ho zaolas goude ze,
'Vit euzad he dorfedjou ma aotreje Doue.

Goude ober he grimou ar c'riminal ingrat,
Ha glaske gant he vontou euzad an tarchou goad,
Klaskout ha rhe ho c'huzad an den fall ha barbar,
Kencouls evel he roudjou dens scleri-enn ar loar.

Ar vein holl e dro d'ar punz gant ar goad labezet,
'Vit euzad he dorfedjou a za gant-han goalc'het,
Mes Doue hag ar Werc'hes n'ho deus ket permetet,
He vije crimou ken bras chomet bepred euzed.

Goudeze ha zistroas d'he dy ar malhevrus,
Evit kemer he repos hag e c'hoas colerus,
Lakat ray en ho flacou ar meublou diranjet,
Arog monnet da gouskad an den fall milliguët.

Kemer ha reas he repos ar c'riminal ingrat,
Er guele e plac he vreg lenn he zillad a voad,
Enn he vele ha chomas beteg ma tarz an de,
Neuze ha zaillas er mez hag he zell ha dare.

Dorn eur bugel he gavas daou viz dez han vanke,
Distaguët oa deus ar vrec'h p'hini er supplie,
Er c'huzet reas er jardin kent eguët sortial,
Ha neuze n'em disposas ractal da bartial.

Eur c'hy en devoa Harmant he voa Brutus anvet,
Evit cavet guin-ardant he gy e deus guerzet,
He gy e deveus guerzet 'vit cavet guin-ardant,
Ma vije crenvoc'h crenva he galon da Harmant.

An debes varlec'h vintin ar c'helou zo clevet
Deus an torfedjou heuzus he oa bet cometet,
An tarchou goad er jardin dre hol a zo guelel
Hag ar c'horvou zo ive he bars er punz cavet.

An dud ha varn, var ar lec'h a zo he n'em rentet,
Hag eun doctor mudusiu a zo ive clasket,
Evit bizita an dud pere ha oa lac'het,
Ha goude cals enclaskou dorn unan zo cavet,

Heman oa ar muduc'in en doa prenet he gy
Digant Harmant, ha pa oa gant-han distro d'he di,
Ractal he ginig dezhan da zebri hag eva,
Mes ar c'hy n'he gemere digant heman netra.

Pebeuz spont e d'oa heman pa e bizitas piz,
E goug ar c'hy he gavas siouas daou vel eur biz.
Ne oa ket da enclaski, ar c'hy e doa debret,
Dorn unan ar vugale pere ha oa lac'het

Ar c'hy-man eb douetanz he oa bet d'ar muntrer,
Pehini zo comeret ebars e ber amzer,
Interojet oa neuze, respont ra divergont,
Penos ne oa ket cabius deus kement all ha spont.

Da dal ar punz oa cased 'vit goeled ar c'horvou.
Ho lont eo mez dihout-han ha beziou ho memproù,
Ha dre ma vijent lamet, tud ar varn ho zelle,
Hag e enn dije chenchet ha liou e debes-se.

An dud ha varn varnezar ho deus anavezet,
Deus al liou glaz ha zougue en doa great an torfed,
Dirag an holl ractal anzav ar viriour,
Kement hini zo lac'het, zo lac'het ganeme.

D'ar maro ezeo barnet pa en deus meritet,
Ha da dal ar guillotin goude eo cunduet,
Ar belec e cundue c'houlennas digant-han,
Hag e ha oa glac'hared d'ar c'brimou gret ganthan.

Ractal ha respont dezhan n'en d'oa keuz da netra,
Nemet da veza lezet he guy paour va veva,
Ma carjen beza lazet va c'hy ne vijen ket,
Bet marteze vel ma zont bars ken bras penet.

Achui ra he vue dre ar brassa maro,
Ar gontel he deus troc'hed he c'hong d'an den garo,
Hag evit diskuel exempl d'a
Ma vefont holl cals furec'

Rac-se t-ha, tud Breiz-Izell, pedomp ha wir galon
Jezus-Christ da rei demp ni eun deis hor perardon,
Ha da bellad dihouzimp an drouc speredjou,
E devoa sclapet Doue e fonz an iferniou.

Galloud Doue azo bras he ners azo eb par;
Evel-t-han n'enn deus hini a bet var an douar,
An henvou azo dezhan, an douar hagar mor,
Hag an Ifern lec'h ma zo bepred eun tan e gor.

Kement torfed he glaskomp er bed man da zugged,
Doue ziscuill annezhe vit ma vefomp guanet,
An torfedjou ha reomp ha ziscuill d'ar barner
Evit ma vezo guanet eb dale ar muntre.

Entrezoc'h holl kristenien mar oc'h eus c'hoant cleve,
Piou e deveus ar verz-man er bloaz-man composit,
Eor baleour dre ar vro hanvet Guillou Merrer,
Ha ve cavet elec'h all pa ne chom ket er ger.

FIN.

Propriété de l'Auteur.



c hy en devoa.
Evit cavet guin-ardant
He gy e deveus guerzet
Ma vije crenvoc'h crenva he galon da